



大清會典卷之四十二

戶部



漕運三

漕船

原額漕船一萬一百七十隻。

江寧等衛一千六百一十六隻。安徽

等衛四百八十三隻。廬鳳等衛二千七百八十八隻。蘇松等衛六百四十八隻。浙江一千九百

九十九隻。又協運船四十一隻。江西一千三隻。

湖廣八百二十六隻。山東七百二十七隻。通津

等衛三十九隻。內抽運白糧船江南三百隻。浙江一百

隻。歷年漕船或遇陞科增造。或遇永折灰

石。減荒及裁併。灑帶缺額。歲無定數。

康熙十一年見運船七千九百六十四隻八分。

江南四千四百三十二隻八分。浙江一千三百

五十隻。江西一千三隻。湖廣四百七十三隻。山

大清會典 卷四十一
東。六百六十七隻。通。津。協運河南。三十九隻。

康熙二十四年。見運船六千五十一隻。江南。三千四十一

五隻。又協運江西。一百六十五隻。浙江。一千一百九十二隻。江西。七百四隻。湖廣。三百一十五

隻。山東。六百三十隻。

雍正三年。各省見存漕白船數。共七千一百一

十九隻。江南。三千七百五十四隻。湖廣。四百一十隻。河南。四百五十一隻。江西。七百八

隻。浙江。一千八十九隻。山東。七百七隻。

歲造補造

每年照見運船隻。修理十分之一。名爲歲造。

其陞科積缺漂沒者。名爲補造。十年限滿。方

准改造。江寧省衛。原赴淮安清江廠。後改江

寧龍江廠修造。今俱令運丁領銀自造。安徽

松鎮等衛。原係運丁領銀。於本地設廠修造。

蘇太鎮海三衛。於蘇州廠修造。廬鳳淮揚等

衛。於淮安清江廠修造。今俱令運丁領銀自

造。山東各衛。於淮安山東廠修造。今俱令運

丁領銀。於本地自造。浙江各衛。於仁和錢塘

二廠修造。江西各衛。於本地設廠修造。湖廣

各衛。於武昌漢陽二廠修造。應給銀兩。各衛

官丁。於回空過淮時。按年造報總漕批給。

大清會典 卷四十一
江南通省漕船。每隻原給料價銀二百八十三兩二錢七分零。後給銀一百七十七兩一錢五分零。今給銀二百八兩七錢七分三釐。

康熙二十六年題定。

浙江漕船。每隻原給料價銀二百八十三兩二錢七分零。後給銀一百七十七兩一錢五分零。今給銀二百八兩七錢七分三釐。

江西漕船。每隻原給料價銀二百八十三兩二錢七分零。後給銀一百七十七兩一錢五分零。今給銀二百八兩七錢七分三釐。

湖廣漕船。每隻原給料價銀二百五十兩。後給銀一百七十七兩一錢五分零。今給銀二百八兩七錢七分三釐。

山東漕船。料價銀。照江南淮安廠給發。

通州所。天津衛。協運河南船隻。不支領料價。每船於三年後。每年給修艙銀二十兩九錢七分。在通濟庫支領。

順治三年。覆准。漕船先造一隻爲式。估定價值。准動關稅蘆課銀修造。○八年。覆准。各衛補造漕船。需用錢糧。查各省有應扣永折行。月荒折

大清會典 卷四十二
行。月。及六升餘米扣存者。通行清解淮庫。以供修造。○十年。覆准。漕船每十年一改造。歷限不足者。舊例。照年賠銀。今議定加賠。每船料價銀二百八十三兩二錢七分三釐零。經運一年者。舊賠銀一百一十兩四分二釐零。今追賠銀二百五十四兩九錢四分五釐零。二年者。舊賠銀九十七兩八錢一分五釐零。今追賠銀二百二十六兩六錢一分八釐零。三年者。舊賠銀八十五兩五錢八分八釐零。今追賠銀一百九十八兩二錢九分一釐。四年者。舊賠銀七十三兩三

錢六分一釐四毫。今追賠銀一百六十九兩九錢六分三釐零。五年者。舊加罰銀十五兩。今追賠銀四十六兩四錢七分八釐零。六年者。舊加罰銀十五兩。今追賠銀四十一兩四錢一分三釐。七年者。舊加罰銀十兩。今追賠銀二十八兩七分三釐零。八年者。舊加罰銀十兩。今追賠銀二十六兩四錢九分八釐。九年十年者。照舊例免賠。○十三年。題准。貼備造船銀兩。江寧各衛屯米每石協濟銀三分。黃快船每丁協濟銀五分。官舍餘丁編爲三則。上則。納銀五錢。中則。三

錢。下則二錢。審定造冊徵收解廠。安慶衛以屯田均配上下兩運。共同貼造。新安宣州二衛。按屯田編徵貼造。建陽衛。於屯丁銀內加徵貼造。廬鳳淮揚滁徐等衛。蘇太等衛所。及山東各衛。俱按清出丁舍編徵貼造。浙江按清出閒丁。每丁徵銀四錢。江西每丁徵銀二錢五分。湖廣每丁徵銀二錢。以供貼造。若船多銀少。儘數均攤。

○十四年。覆准。漕船例有軍三民七。軍三。即運糧。民七。即淺船料價。并減存行月錢糧。專供修造。今仍於額設銀兩內撥給。

○十七年。題准。江淮興武二

衛料價銀。每隻減四十八兩五錢。○康熙四年。

覆准。淮廠改造補造漕船。總漕親身查驗。果不

堪再運者。方許改補。如有剩料。留充下年歲造

之用。○又覆准。造船運丁。不僉不解。責在該府

廳。衛所解丁不造。責在糧道。造船同知。該督撫

指名題叅。○又覆准。江南應協濟江西漕船銀

兩。限江安糧道。每年十月內完解。○六年。覆准。

漕船每隻載米四百石。糧道等官。親臨船廠。依

式成造。○七年。題准。漕船改造。管造之官。親加

驗明。如內有可加修再運一二年者。即量給加

大清會典 卷四十二
修銀兩。仍令載運。照年扣算。倘有可用舊船。不行驗明。該督撫查出題叅。○十一年。題准。漕船不足應運。該管官不早爲僉丁補造。又不設處僱募以竣運者。降一級調用。經管造船玩悞者。罰俸一年。○又題准。衛所官解送漕剝船隻。遲悞朽爛者。罰俸一年。○又題准。江淮興武二衛料價銀。每隻減十兩四錢。其不足年分追賠銀。照例遞減扣算。○十四年。議准。官員奉委修造漕船。或謊報朽爛。或修造未竣。捏報已完。或朽爛船隻。冊報掩飾者。俱降二級調用。如承造漕

船。推諉不行監造。或檄催日久不完者。俱降二級調用。該管官督催不力者。罰俸一年。如朽爛船隻。不估價申報者。亦罰俸一年。○又覆准。漕船有額給料價。清出餘丁銀兩。停其支給。○十五年。議准。山東漕船赴淮成造。每一船。支給月糧五石。○十七年。題准。漕船載米。不得過四百石。入水不得過六捺。六寸空船。以四捺爲度。依式成造。○又題准。江南山東衛所。減料價銀七十四兩五錢零。江淮興武二衛。減十五兩六錢。浙江。減二十二兩二錢四分零。○十八年。議准。

大清會典 卷四十二
應造船隻。預行咨部核定。方准成造。如未奉文之先。私給銀成造者。卽將該管官指叅。○十九年。題准。歲造漕船。內清江。龍江。二廠。係船政同知督造。所用料價錢糧。工部核銷。江南。浙江。江西。湖廣等處。係各糧道令運丁領造。其料價及按年修艚銀兩。戶部核銷。今工部題差司官督造清江廠漕船。酌定工價。其江南等處新造船隻。照例銷算。○又題准。江南。山東減料價銀三十一兩六錢一分零。浙江減三十九兩五錢四分零。江西減四十二兩九錢零。湖廣減七十二

兩八錢四分零。○二十一年。覆准。令總漕及各督撫。嚴檄糧道等官。糧船務須依式成造。如有違式。卽行指叅。○二十二年。題准。各省康熙十九年所裁料價銀。俱行復給。○又議准。遣官往各省監造船隻。每船實用料價銀一百七十七兩一錢五分。嗣後造船。俱照此例。○二十四年。覆准。江。浙。漕船幫次。各令附近歸併。中幫船少者。併二爲一。小幫船尤少者。併三爲一。○二十六年。覆准。歲修銀兩。各省多寡不同。今酌中畫一。通漕一例。每年出運一船。給修費銀七兩五

錢。○又覆准。每年漕船。照見運船數。按年加一成造。○又覆准。新改式船。小載重。量加寬大。仍復給原定價二百八兩零。其不足年限。追賠。照例扣算。○二十八年。覆准。廬鳳等衛船隻。向在清江。江寧二廠內打造。嗣後改歸各旗丁領銀自造。○三十二年。覆准。太平。寧國二府截留漕米三脩銀兩。已供脩船之用。將下運修船銀兩。停其支給。○三十三年。覆准。仍設清江。江寧二廠。修造漕船。○三十四年。題准。浙江添設船政同知一員。○雍正元年。議准。江興二衛歲修漕

船。除支給料價銀外。其鑽夫底料銀兩。永行停給。○二年。覆准。漕船到次。糧道卽行給發三修銀兩。令該船旗丁。立刻修船。堅固。候兌新漕。該丁或有事故。卽著該船舵工修船。如有修船稽遲。至悞開兌。過淮期限者。總漕題叅。若該丁虛領錢糧。並不修船。總漕於過淮時察出。卽將糧道監兌。押運衛守備等官。題叅議處。修船銀兩。仍著落該丁賠補。○又議准。湖廣。江西。漕艘。遠歷長江。應令造船。以十丈爲率。短不過九丈。其寬深丈尺。酌量合式。船底務須寬平。該督飭令

兩省糧道照式成造。如有私放寬大者。該督卽將糧道題叅。給發料價銀兩。仍照定例。○又議准。船政同知。已經奉旨裁汰。江寧清江浙江廠造之船。令各糧道經管。其山東漕船。則歸山東糧道經管。俱給料價。令旗丁自造。至船式料價。悉照康熙二十六年題定之例。

協運

康熙二十七年。覆准。江西省本年漕糧四十九萬五千三百九十餘石。本省缺船。將江南減存漕船。暫撥協運江西漕糧一年。○二十九年。覆准。河南應用漕船共四百五十九隻。將山東各衛現存船二百一十隻。通州。天津。二衛所船三十九隻。協運。○又覆准。長淮。徐州。二衛。協運河南漕糧。○三十年。議准。江西每年撥江南船協濟。嗣後該撫停止。每年題請。將江南減存船內。撥給江西七十八隻。永行運糧。○三十三年。覆

准。將江南漕船。停其協運江西。

凡灑帶。順治十八年。覆准。浙江缺船。漕米灑帶見運船隻。每船例給負重銀四十八兩。江西漕船。加載糧米。每石給銀一錢六分五釐。○康熙元年。覆准。補解一項。欠三四百石者。許搭新運。糧道先取運官願搭甘結。發縣稽查。五百石以上。不許搭運。○五年。題准。江西加載米石。每石給銀一錢六分五釐。○八年。定。河南灑帶米石。其行。月。糧。照例支給。○十四年。題准。江南漕船抽運白糧。其應運之米。分灑餘船帶運。每石給

負重銀五分。○二十年。議准。江淮等衛。帶運上年災糧。每石給銀五分。○二十五年。覆准。浙江缺船灑帶米石。不得按船支給負重銀。照江南例。每石給銀五分。○三十四年。覆准。嗣後陞科米石過多。停其灑帶。總漕將陞科米數。預先題明。撥給船隻。○四十七年。覆准。湖廣四十六年漕米。截留江寧四萬五千石平糶。於秋收後。動司庫銀兩。購買楚米。補償原數。即於湖南起運漕船內。分為兩年。搭運赴通。○雍正二年。議准。凡有掛欠漕糧。必以本色交兌搭運。於過淮之

日。卽將正米并搭運米石。盤查驗數。方許開行北上。如有麥。豆。雜糧等項。抵充漕欠搭解。或過淮之後。小船趕送者。總漕查明題叅。交與該部嚴加議處。○五年。覆准。東省雍正三年。緩徵漕糧。于四年帶運。照江南搭運之例。每米一石。給負重銀五分。

凡僱募。順治二年。覆准。糧船缺額。僱募堅固民船襄運。倘有掛欠。但追運官。不得扳累船戶。○十年。定。糧艘凍阻。許僱募民船。不得短價強僱。○又覆准。僱募民船。每糧百石。定給水腳銀三

十五兩。照進倉船糧。扣除掛欠銷算。查明解糧印冊。果係僱募。方准開銷。如有隱匿見船。希圖支領。及僱少開多者。叅究。○十一年。

詔。漕船缺額。准動輕齎銀兩。令運官自僱。不許重派地

畝。擅拿民船。○十二年。議准。地方所僱漕船。卽大兵

經臨。不許封捉。○康熙四年。議准。江西僱船裝

運。每石給銀四錢。○六年。覆准。江西漕糧僱運

京口。每石水腳銀一錢二分。○二十年。覆准。浙

江漕船凍阻。僱募民船兌運至淮。交與運丁。每

石水腳銀一錢。○二十一年。覆准。浙省船復凍

阻。派地方官二分。旗丁五分。僱民船。長運抵通。
 ○二十九年。覆准。河南缺船。暫行僱募起運。仍
 將節省行月錢糧。并潤耗銀米。扣除解部。○四
 十五年。覆准。江西漕船凍阻。僱募民船。每石給
 僱價一錢二分。食米四升。○五十一年。覆准。抵
 通遲延之船。不能依限兌運。查明該省減存船
 隻。依限兌運開行。如無減存船隻。即在本省漕
 船內搭運。倘無搭運之船。即行捐輸僱船。依限
 兌運。其遲滯船隻。來年開凍之時。沿河文武官
 員。星夜飛催迎淮受兌北上。如不行設法僱船

依限兌運。即將該糧道監兌等官題叅。如遲滯
 船隻。不能迎淮受兌。即將沿河催趲回空之文
 武各官叅處。○六十一年。覆准。六十年分漕糧。
 因回空凍阻。令各衛募民船。依限兌開。迎船換
 載。如民船抵淮。守候漕船修艙。恐耽延時日。遲
 悞重運。將民船加添船戶水脚。長運抵通。回空
 漕船。留搭下運。如有遲悞。即行題叅。○又覆准。
 今歲僱募民船。非往年可比。暫准越幫行走。○
 雍正元年。議准。令各省督撫。將回空各船。速催
 抵次。即速裝運漕糧過淮。務於限內作速抵通。

大清會典 卷四十一
若有凍阻不能抵次者。照例僱募民船。卽令長運抵通。雖在途相遇。回空船亦不必迎船換載。

○二年。長江值非。五年。此部。諭。聞今春丹陽。常州。等地方漕船。沿途遇淺。槩拿商船起剝。且借名需索。貪暴公行。得賄者。雖空船亦行釋放。不遂其欲者。抑勒當差。有將貨物行李。拋棄河干。紛紛露積。或爲風雨所損傷。或爲盜賊所窺伺。該管漕運文武官弁。漫無約束。毫不經心。小民營販資生。何以堪此擾害。江南總督。巡撫。總漕。係地方大吏。皆當實心體恤。稽察周詳。奉諭之後。

若再用起剝。當各嚴飭所屬官弁。申明約束。不得仍蹈前轍。○三年。議准。令倉場轉飭坐糧廳。遇漕船起剝之時。於空載民船齊集之處。令旗丁照時價出銀僱剝。領封貼船。毋許彼此抑勒。亦毋得濫捉商船。如有此等情弊。倉場將司剝之官題叅。丁役船戶。一併責治。

盤查

舊例。漕船每隻許帶土宜六十石。順治八年。題准。運丁所帶土宜。凡遇關津巡攔員役。及護漕兵丁。不許指稱報稅。稽留搜搶。致滋延緩。○十五年。覆准。漕米過淮。盤驗明白。並無攙雜。如弁丁私行攙和。藉口狡飾。倉場官將原米變價充賠。其掛欠者。嚴行追比。仍題叅重處。○十七年。題准。總漕倉場。於漕船過淮抵通日。盤查貨物。自六十石外。盡追入官。弁丁治罪。○康熙二年。題准。糧船經由儀徵。瓜洲。淮安。濟寧。天津。五處。

地方官嚴加盤詰。如有夾帶私貨。呈報督撫題
叅。若徇情容過。事發。降一級調用。如水次附載
貨物。沿途包買。運官通同奸商附載者。糧道不
行嚴禁。罰俸一年。監兌押運等官。降一級調用。
○又覆准。運丁包攬客貨。私載船上。運官幫官
嚴加稽查。許於司漕衙門。據實出首免罪。如隱
匿不報。定係受贓賣法。一經查出。運官幫官。加
倍究擬。運丁照例治罪。其奸商希圖漏稅。附載
者。交與刑部照律治罪。○又覆准。各丁夾帶私
貨。水次雖經禁戢。沿途不無包買。專責押運通

判。通幫前後不時稽察。如有犯者。立刻申報題
叅。照例議處。○五年。題准。運官縱容運丁私攬
客貨者。革職。俟交糧完日提審。若自帶貨物者。
革職。帶私鹽者。降一級調用。○九年。題准。停免
天津盤查。一應重運糧船。各鈔關不許借端稽
留盤查。○十一年。題准。停免瓜洲儀徵盤查。○
又題准。運官自攬客貨。與私載已貨。裝運私鹽
者。俱革職。運丁私攬客貨。私載已貨。裝運私鹽
者。運官降一級調用。○十五年。題准。淮安。濟寧
地方官。失查糧船夾帶者。罰俸一年。○二十一

大清會典 卷四十二
年。議准。凡糧船經由地方。自水次至淮安。總漕同淮揚道盤詰一次。至濟寧。總河同濟寧道盤詰一次。如有夾帶私貨。該地方官不行確查。徇情容隱。或旁人告發。或後經查出。將前失於覺察之官。罰俸一年。○二十二年。議准。回空船隻。量許攬載貨物家口。以濟運丁。毋得違限到次。○四十一年。題准。私錢禁令甚嚴。京城週圍。仍有用者。皆由別省買來。偷載運糧船內。帶至京城發賣。行令有漕各省督撫。嚴檄各該管官。於糧船開幫時。確查放行。再各省糧船過淮時。總

漕亦確查放行。如不確查。被別省官員拿獲。將總漕及該管督撫。糧道押運等官。交部嚴加議處。○五十八年。覆准。湖廣江西二省漕船起運後。令總漕該督撫。飭各糧道於上流漢口。吳城集貨馬頭。親身嚴查。仍嚴飭押運等弁。如有違例多載私貨。及帶木筏過關者。將貨物照例入官。該管糧道運弁。一併題叅治罪。○雍正二年。議准。各船裝載漕糧。正耗之外。有隨漕之米。以供長途飯食。而水手工食銀兩。又往往買米入船。赴北發賣。原係另包存貯。與漕糧各別。乃有

大清會典 卷四十二
奸丁水次折收。正米虧缺。到淮之日。每借包米
奏數盤驗。本船不足。又賃別船包米。巧爲遮飾。
過淮之後。水手之米。仍歸水手。別船之米。仍歸
別船。其盤查雖足。而正數仍虧。嗣後糧船過淮
時。總漕按數查驗。如正數有虧。將別項米石湊
抵補數者。總漕卽將此米印記。作爲正米運通。
不得復歸水手別船。仍將該幫領押官弁題叅。
嚴拿治罪。○又

諭。漕船回空。夾帶私鹽。固宜嚴禁。但仍照例在運河
口內地。派官搜查。查出私鹽。必究明根窩場竈。
照例治罪。若船至大江。不可攔阻搜查。致生事端。
有悞漕運。○三年。

諭。天庾積粟。漕運最爲緊要。而通商裕國。關稅亦應
留心。朕上年因恐糧船遲滯。曾有旨。船至大江。不
可攔阻搜查。致生事端。有悞漕運。今聞諸糧船。有
於兌糧起運之後。卽多包攬貨物。回空時。又行夾
帶私鹽。此皆由其所經過馬頭停泊裝卸。地方官
不行嚴查也。至於窮丁裝帶些須貨物。情尚可恕。
如私鹽。乃大干法紀之事。况斷無沿途零買零賣
之事。必有一定之處。其裝卸亦必非俄頃半日可

大清會典 卷四十二
辦。必須二三日乃能。若該地方官果實力稽查。自然弊絕。其如何稽查。如何勸懲。必使裕國通漕。兩得其宜。並行不悖。著總漕安徽巡撫會同虛公詳議具奏。至糧船中聞有帶火砲鳥鎗火藥者。伊等皆係合幫結隊而行。不畏盜賊。火砲鳥鎗安所用之。著通行嚴禁。該管地方官若虛應故事。陽奉陰違。一經察出。決不輕貸。遵

旨議定。嗣後糧船販賣私鹽。地方之兼轄官降一級。罰俸一年。押空之運官照狗庇例降三級調用。該幫隨幫革退。如有倚恃糧船任意販載私鹽。

不服盤查。闖關及閘。持械傷人。押運等官。明係知情故縱。將押運等官革職。隨幫責四十板。革退。押運官弁於一年內該幫無犯私鹽者。紀錄一次。弁丁兌糧之後。准帶土宜六十石。此外如有夾帶。并包攬商貨木筏者。弁丁商人俱照漏稅律治罪。產貨馬頭地方官不行驅趲。任其停泊。包攬裝載。與糧道等官一併題叅議處。貨物入官。再糧船帶火砲鳥鎗者。查得本犯照私藏鳥鎗例。責四十板。糧道衛守備運弁失察。照失察銃砲鳥鎗例。分別議處。

察總辦員餘同公因請...
 高創國責四十...
 入官再...
 前...
 待...
 亦...
 一...
 與...
 映...
 不...

六年回空...
 六年回空...
 六年回空...
 六年回空...

順治四年。覆准。完糧後。運官查明船數。管押南
 旋。如有遺棄。責令賠補。倉督給回空照票。關津
 驗放。沿途各官。逐程催趕南下。俟空船回南。管
 押官赴糧道投繳原票。違者。照依單例降罰。○
 五年。覆准。每年重運過畢。通惠河分司。責令回
 空官丁。開列姓名船數。投司詳定期限給單。押
 至天津。投天津道轉單。至濟寧。總河查驗換牌
 註限。至淮安。總漕查驗。責令沿河文武各官嚴
 催。不許時刻停留。○七年。覆准。運船交卸後。卽

大清會典 卷四十二 戶部二十
照數交密雲道。自通州起。押到天津。天津道督押出境。武德。東昌。各道督押至淮安。呈明總漕。至江寧。呈明兩江總督。至杭州。呈明浙閩總督。各該道逐程督押。交割該管衙門。接濟新運。遲悞者。該道及原領官丁議處。○十二年。覆准。沿河督撫鎮道等官。遇回空糧船入境。照坐糧廳編號船數。分汛督催。將出境入境日期。報部查核。○十五年。覆准。漕船回空。拋棄河干。地方官并押船官丁議處。船隻著管押官丁賠補。○十六年。題准。回空漕船。後船已過。前船未到。及逗

遛脫幫者。押回官叅處。○又覆准。漕船回空到淮。令押空官先期投驗限單。查該幫原過淮船若干。差官點驗。如有缺少。卽按法治罪。仍押發該糧道嚴拿棄船逃丁追賠。從重究擬。其山東河南不過淮者。專責糧道稽核。○康熙元年。覆准。押空官。如有棄船由陸路先回者。沿河督撫指叅重處。○又覆准。回空船私攬商貨。沿河貿易者。許沿途官盤詰禁止。如不遵抗違。該地方官申報總漕。嚴究題叅。如地方官容隱不禁。該督撫查明叅處。○十一年。議准。回空漕船。赴次

大清會典 卷四十二
三
遲延者。隨幫外委官責逐。○二十年。覆准。令漕河各督撫。嚴檄鎮道等官。親往河干。將各省回空糧船。無分晝夜。嚴行催回。以副冬兌春開之限。○三十四年。覆准。嗣後漕船回空。令通判管押。如有不遵。從陸路回省者。卽照差遣官員枉道例處分。其回空船隻過淮。亦照題定期。如有違悞。照重運過淮違限之例處分。並令沿途官員。嚴飭運丁。不許逗遛借端生事。將堅固漕艘私自換賣。○五十一年。覆准。嗣後凡抵通遲延之船。令倉場勒限交糧回空。○五十二年。覆

准。回空漕白糧船。倉場所給回空限單內。將州縣經過界址。照原定限日列入單內。令沿河州縣註明入境出境日時。至淮申繳漕臣察驗。其催趲之責。在天津及淮安北河文武官弁。到淮之後。漕臣另給抵次限單。亦令沿河州縣註明入境出境日時。各船抵次之限。總不得出十一月。將限單申繳巡撫衙門查驗。其催趲之責。在淮揚及蘇松南河文武官弁。○又

諭。今年漕船較之往年。過淮旣早。兼之河水甚好。沿途無所遲滯。其抵通自早於往年矣。再。向年俱於九月

底卸完米石回空。今過淮到通。無所遲滯。務必催趲。俾八月內卸完。空船早到水次。兌米。卽得起運。則明年更可早到於今年。庶於漕務。大有裨益。○六十一年。覆准。糧船額設副丁一名。令其管駕。嗣後副丁。務令跟隨重運。過淮抵通。交糧完日。押運官同隨幫官。逐名查點。令其管押頭舵水手回空。通判所押尾幫糧船起卸完日。坐糧廳卽將批回印發。呈送戶部查驗。令其押空南回。如通判隨幫副丁。托故逗遛。不親管押回空。將通判並隨幫人等。照規避例議處。坐糧廳勒指批回。不

行印發投驗。該通判呈報倉塲。將坐糧廳照抑勒遲延例。題叅議處。○又議准。漕船因上年回空凍阻。以致今歲遲滯。將先抵通者。隨到隨收。在後漕船。自天津以上。桃花口。楊村。等處起卸。陸續運通。其空船卽催回南。毋致凍阻。○雍正元年。覆准。嗣後無欠運弁。倉塲轉飭坐糧廳。立給限單。限一月到淮投驗。如逾限。照規避例咨革。如果因公稽留在通。坐糧廳詳明倉塲。移知總漕。其起交無欠。勒限到淮各弁。坐糧廳陸續移知各道查考。

終歲谷以查考... 蘇曹其賦交無入... 革職果因公... 命別舉別一... 示乎... 劉... 亦... 空... 轉... 會... 生...

考成

三... 正... 四... 身... 帶... 督...

凡催徵漕糧完欠。順治十三年。題准。經徵漕糧州縣衛所官。未完不及一分者。免議。一分以上者。罰俸六箇月。二分以上者。住俸。三分以上者。降二級。四分以上者。降三級。五分以上者。革職。俱帶罪督催。完日開復。叅後違限不完者。加倍議處。如應罰俸者。住俸。應住俸者。降二級。應降三級者。降四級。應降三級者。革職。仍帶罪督催。完日開復。應革職帶罪者。實降三級調用。署印官。照署徐淮等倉錢糧官例處分。○十八年。覆

准行。月經費雜項錢糧。向無考成則例。今照正項錢糧原定例處分。○康熙二年。題准。隨漕行。月。輕齎。各項錢糧。俱在地畝銀米內支辦。不必各作分數。應總作十分。州。縣。衛。所。官。欠不及一分者。停陞。罰俸一年。欠二分者。降一級。欠三分者。降二級。欠三分者。降三級。欠四分者。降四級。俱帶罪徵收。欠五分以上者。俱革職。知府。糧道。欠不及一分者。停陞。罰俸六箇月。欠一分者。罰俸一年。欠二分者。降一級。欠三分者。降二級。欠四分者。降三級。欠五分者。降四級。俱帶罪督催。欠六分以上者。俱革職。巡撫。欠二分者。罰俸三箇月。三分者。罰俸六箇月。四分者。罰俸一年。五分者。降俸一級。六分者。降俸二級。七分者。降職一級。八分者。降職二級。俱帶罪督催。完日開復。凡本年內接徵。接催之官。或一官經管。或數官經管。總計十分。不必各作十分。仍照經徵。經催官例處分。署印官。欠不及一分者。罰俸三箇月。欠一分者。罰俸六箇月。欠二分者。罰俸九箇月。欠三分者。罰俸一年。欠四分。五分者。降一級調用。欠六。七分者。降二級調用。欠八分以上者。革

職不及一月者。免議。叅後州縣衛所官。限一年。糧道知府。限一年半。巡撫。限二年。其年限內不完者。不復作分數。照原叅分數處分。如州縣衛所官。限內不完。原欠不及一分者。降一級調用。原欠一分者。降三級調用。原欠二分者。降四級調用。原欠三分者。降五級調用。原欠四分以上者。革職。巡撫糧道知府。限內不完。原欠不及一分者。降一級。仍帶罪督催。其餘俱照州縣例處分。至限年錢糧。接徵。接催之官。俱并前官總作十分。以到任日為始。限半年催完。如不能完。題

叅之日。照初次分數例處分。凡各官催徵。本年內全完者。紀錄二次。三年連次全完者。加一級。未經催完。因他事離任者。俱罰俸一年。○九年。題准。漕項錢糧。接管之官。照康熙二年地丁錢糧例考成。○十年。題准。各省漕糧。督催糧道。知府等官。欠一分者。罰俸三箇月。欠二分者。罰俸六箇月。欠三分者。住俸。欠四分之者。降二級。欠五分者。降三級。欠六分以上者。革職。俱帶罪督催。完日開後。叅後違限不完者。加倍議處。應罰俸三箇月者。罰俸六箇月。應罰俸六箇月者。住俸。

大清會典 卷四十二
應住俸者。降二級。應降二級者。降四級。應降三級者。革職。俱帶罪督催。完日開復。應革職帶罪者。實降二級調用。欠不及一分者。免議。○十四年。覆准。漕糧改折銀兩。與隨漕項下錢糧。各作分數題叅。○又題准。隨漕錢糧。原叅各官。旣限一年。接徵。接催之官。止限半年。限期太迫。今定。接徵州縣等官。亦限一年。接催糧道。知府。直隸知州。限一年半。接催巡撫。限二年。如仍不完。照初叅例議處。○又議准。隨漕錢糧。州。縣。衛。所。官。原欠不及一分。年限內不完者。降一級留任。再

限一年。帶罪催完。如又不完。照所降一級調用。若年限內不完。原欠一分者。降三級調用。原欠二分者。降四級調用。原欠三分者。降五級調用。原欠四分以上者。革職。巡撫。糧道。知府。等官。年限內不完。原欠不及一分者。降一級。帶罪督催。其餘。俱照州縣等官例處分。○三十三年。覆准。隨漕輕齎。行。月。等項錢糧。舊例隔年奏銷。各官因畏考成。捏造全完。希圖將新補舊。嗣後著照地丁錢糧考成。於次年奏銷。○三十四年。題准。凡有分數錢糧。俱將接徵。接催。官員。已完分數

扣除。照現在分數處分。○三十五年。覆准。隨漕銀兩。若照地丁之例。於次年奏銷。七箇月內。卽行處分。有司勢必嚴比累民。仍照舊例。隔年奏銷。○四十四年。題准。江南蘇松常鎮四府屬賦稅繁重。州縣官經徵每年地丁漕項錢糧。於奏銷時。完至九分以上。而接徵未完舊欠錢糧。於年限復參降級調用者。改爲降級留任。再限一年催徵。如仍不完。照所降之級調用。至四府督催各官。亦照此例議處。○雍正四年。覆准。嗣後僉派收書徵收糧米。務令遴選老成殷實之人

充當。如僉派匪人。以致侵蝕漕糧者。題參審究確實。按其米數。照監守自盜律治罪。僉派之州縣。照溺職例治罪。侵蝕米石。卽於戶役名下。嚴行追補。再各州縣收糧交兌外。倘有贏餘。令該撫及糧道。就近臨時到倉。盤驗斛面。計兌交之外。應有餘米若干。計算明白。存爲修倉賑濟之需。每歲底將存貯動用數目。造冊報部。仍令該撫不時查察。如有扶同徇隱。及各州縣。或借名私加斛面累民者。卽指名題參。○五年。覆准。浙省各屬額徵南秋等米。解貯省倉。支給官兵俸

大清會典 卷四十二
三
餉。向入地丁奏報。並未另有處分。是以各官任意拖延。自五年爲始。另爲一本題銷。將已未完分數。照漕白糧處分。巡撫仍照地丁例督催。凡運納漕糧完欠。順治四年。覆准。漕糧掛欠千石以上。送刑部。千石以下。發該糧道。嚴追擬罪。○五年。覆准。漕糧掛欠。不分多寡。俱發糧道追比。將行月。耗米抵補。餘欠追完。○六年。題准。運官擇殷實才幹者。加千總銜。押運漕糧。一年無欠。實授千總。二年無欠。加署守備。三年無欠。實授守備。五年無欠。加都司僉書。如有掛欠。加等

治罪追賠。○又覆准。運官領運漕糧。防範不周。以致虧折米石。雖續買交完。仍照疎忽例議處。○七年。覆准。選委運官。專責糧道。僉補運丁。專責清軍廳。如有盜賣包攬。掛欠一。二分者。罰俸三箇月。三。四分者。罰俸六箇月。五。六分者。罰俸一年。停其陞轉。七。八分者。降職一級。九。十分者。降職二級。運官欠者。責在糧道。運丁欠者。責在清軍廳。賠補十分之二。○又題准。官丁掛欠漕糧。卽遇赦。亦不准豁免。仍行究追。○又覆准。官丁欠糧。產無可變者。卽依律擬罪。不得聽其株

大清會典 卷四十二
三
扳。○八年題准。運官一運全完。委用守備千百
總。俱准實授。二運全完。各加銜一級。三運全完。
各實陞授一級。○又題准。漕糧掛欠二三分者。
總漕巡撫糧道。住俸督催。完日開復。欠四五分
者。各降一級留任。督催完日開復。欠六七分者。
各降二級調用。若一年糧運全完。總漕以通漕
論。巡撫糧道。以本屬論。加陞二級。官丁掛欠一
二三分者。發總漕追比。四五分者。交刑部監禁。
行本處變產充賠。六七分者。刑部監比。家產妻
孥變賠。八九分者。本犯官丁立斬。仍將家產妻

孥變賠。○十年。覆准。糧道運務未畢。俱停陞轉。
統計該管漕糧全完者。陞二級。一運欠一分者。
罰俸一年。再運欠一分者。降一級調用。一運欠
二分者。降二級調用。欠三分者。革職。如前官遇
有事故。後官接管。在未開幫以前者。前官免議。
後官照例陞降。在開幫以後接管者。後官完十
分。陞一級。欠一分。罰俸六箇月。欠二分。降一級
調用。欠三分。降二級調用。欠四分。革職。前官酌
量另議。○又議准。漕糧掛欠。坐糧廳審究。係某
處折乾盜賣。申詳倉場總督。將該管官。一併治

大清會典 卷四十二
罪。其欠多官丁。分別枷示。○十二年。覆准。運官掛欠一分者。見任守千。降級發追。完日還職。不完。革職。欠二分者。革職發追。完日免罪。不完。徒三年。欠三分者。革職發追。完日免罪。不完。徒三年。欠四分者。責四十發追。完日免罪。不完。發附近衛所充軍。欠五分者。責六十發追。完日。仍杖一百。不完。發邊遠衛所充軍。欠六分者。責八十發追。完日。徒一年。不完。絞。欠七分者。責一百發追。完日。徒三年。不完。斬。欠八。九。十分者。立斬。籍沒家產。妻孥抵償。如不足。令原僉報各官代賠。

○又覆准。官欠追官。旗欠追旗。如旗丁欠糧。從本旗名下究追。仍照官欠分數行法。每年發准追比之時。分別欠數。嚴審明確。官旗一體嚴追。變賣充賠。欠多者。一體行法。其未發准者。坐糧廳審明官丁欠數。分別嚴追。如有奸旗侵糧脫逃者。報明戶部。行總漕衙門。提究追擬。運弁包攬賣放。灑帶代運者。一併查明重處。○十三年。覆准。欠糧各弁。在通追比。定限一年。歲底題明。有未完者。發南追比。亦限一年。總漕歲底造冊題明。仍有未完。變產賠補。送刑部擬罪。○十四

大清會典 卷四十二
年。覆准。運官糧米全完。有別事註誤者。如非貪
贓失守。大計。隱匿逃人之罪。酌議分別。以爲鼓
勵。○十五年。覆准。官旗納剩餘米。如本丁有舊
欠數多。而餘米少者。通行扣留。餘米多而欠數
少者。扣完。悉令照出。本衛有欠。每十石扣留三
石。亦扣完。卽止。但昔未定年限。今官旗到通掛
欠一年。卽發南追。在南亦限一年追完。不完。卽
變產攤賠。則餘米餘銀。應以三年爲止。如十五
年有餘。則查至十二年。十六年有餘。則查至十
三年。以後挨年遞減。至於新餘。簞羨等銀。亦應

照餘米扣抵。三年而止。若扣外。仍有餘米餘銀。
照數給發領出。以鼓完糧。○十七年。題准。江安

蘇松。浙江。江西。糧道糧多。全完者。加陞一級。山
東。河南。糧道糧少。全完者。紀錄一次。未完者。照
十年例。各省糧道一例處分。接管官在開幫以
後全完者。紀錄一次。未完者。亦照十年例處分。
漕儲道。計通漕全完者。加陞二級。接管官在開
幫以後全完者。加陞一級。未完者。照糧道例議
處。押運通判全完者。紀錄一次。欠一分者。罰俸
六箇月。欠二分者。降一級調用。欠三分者。降二

級調用。欠四分者。革職。巡撫。照糧道例。總督。照漕道例。議處。○又覆准。糧雖全完。而本色。蓆木。板片。未完者。亦不准議敘。○又覆准。領運官。除銷算買補及隨幫帶運全完者。不議敘外。江南。浙江。江西。糧多路遠。部推守千。百總。全完者。每運加銜一級。外委運官。一運全完者。紀錄一次。二運全完者。准實授。三運全完者。加銜一級。山東。河南。糧少路近。部推守千。百總。一運全完。紀錄一次。二運全完。紀錄二次。三運全完。加銜一級。外委運官。一運全完。倉督從優獎賞。二運全

完。紀錄一次。三運全完。准予實授。○康熙元年。覆准。搭解舊欠米石。復有掛欠。倉場開列分數。題叅。照例處分。掛欠米石。照追。○二年。題准。巡撫等官。叅後限滿逾期。該撫將自欠。原叅分數。暨糧道等官分數。不行查叅。察出。照原叅分數。加等治罪。○又題准。署印各官。未完錢糧。俱照署印官分數議處。不必停其陞轉。○三年。題准。追比運官。掛欠漕糧。州縣官。初叅。欠不及一分者。停陞。欠二分者。罰俸六箇月。欠二分者。罰俸一年。欠三分者。降俸一級。欠四分者。降俸二級。

欠五分者。降職一級。欠六分者。降職二級。欠七分者。降職三級。欠八分者。降職四級。俱帶罪督催。完日開復。欠九十分者。革職。布政使。糧道。知府。直隸知州。初叅欠不及一分者。停陞。欠一分者。罰俸三箇月。欠二分者。罰俸六箇月。欠三分者。罰俸一年。欠四分者。降俸一級。欠五分者。降俸二級。欠六分者。降職一級。欠七分者。降職二級。欠八分者。降職三級。欠九分者。降職四級。俱帶罪督催。完日開復。欠十分者。革職。總漕。巡撫。初叅欠不及一分者。停陞。欠一分者。罰俸三

箇月。欠三分者。罰俸六箇月。欠四分者。罰俸一年。欠五分者。降俸一級。欠六分者。降俸二級。欠七分者。降職一級。欠八分以上者。降職二級。俱帶罪督催。完日開復。署印官。初叅欠不及一分者。停陞。欠一分者。罰俸三箇月。欠三分者。罰俸六箇月。欠五。六分者。罰俸九箇月。欠七。八分者。罰俸一年。欠九。十分者。降一級調用。署印不及一月者。免議。叅後。州縣官。限一年內全完。如一年內不完。原欠不及一分者。罰俸一年。原欠一。二分者。降三級調用。原欠三。四分者。降四

級調用。原欠五。六分者。降五級調用。原欠七分
以上者。革職。布政使。糧道。知府。直隸知州。限一
年半全完。如限內不完。照州縣官例處分。總漕
巡撫。限二年全完。如限內不完。原欠不及一分
者。罰俸一年。欠一。二分者。降二級調用。欠三。四
分者。降三級調用。欠五。六分者。降四級調用。欠
七。八分者。降五級調用。欠九。十分者。革職。其接
徵。接催。各官。以到任日爲始。限半年催完。如不
完。照初叅分數例處分。○又題准。江西漕糧。節
年多有掛欠。舊例該幫有欠。三七扣留。今以該

省各丁。應照出之餘米。借扣以補本省各丁之
欠。補完有餘者。仍令照給。其借抵餘米價值。移
咨該撫。追償各丁。○八年。定。停止總漕議敘。○
又定。漕船依限過淮。米石催趲進倉。係倉場職
掌。應將本年起運到通。除帶運米石不算外。其
扣收舊欠餘米。算入正運數內。總作十分。完至
九分八釐者。照常考核。完至九分九釐以上者。
紀錄一次。比及三年。全完至九分八釐。並十
分全完者。加一級。十分之內。欠五釐以上。至一
分者。罰俸一年。三年。一連欠五釐以上。至一分

者。降一級。帶罪督催。○九年。覆准。湖廣漕糧。仍舊起運。照山東例考成。○十一年。題准。衛所裁外委百總名色。改爲隨幫官。江南。浙江。江西。湖廣。隨運三次。山東。河南。隨運四次。給千總劄。再隨運二次。以衛千總推用。○十四年。題准。追比拖欠漕糧署印官。欠不及一分者。免其停陞。○又題准。追比拖欠漕糧原叅各官。旣限一年。接徵。接催之官。止限半年。爲期太迫。今定。接徵州縣等官。亦限一年。接催司道府直隸州官。限一年半。接催總漕巡撫。限二年。如仍不完。照初叅

例議處。○二十年。覆准。運官欠糧。追比病故。著落欠丁。追完報部。○二十一年。議准。運官掛欠漕糧。未完不及一分者。停陞。○又議准。運官領運漕糧。過壩短少者。革職。交與倉場總督追比。若全完者。還職。○三十四年。覆准。康熙二十八年。至三十二年。太倉等衛運官。掛欠漕米。并本年沿途失風船隻。缺少米石。將本省本幫餘剩耗米。扣收。抵完全欠。令倉場扣收報部。其在通留比弁丁。通行發回。轉行該道。著落欠糧弁丁。補還原主。如有未完。將承追各官。仍照比掛欠

例處分。○四十三年。覆准。糧船抵通掛欠。除押運廳官。督押通省船糧。鞭長莫及。仍照舊例議處外。其運弁督押幫船。是其專責。應嚴定處分。今以通幫糧米計算。如有掛欠不及一分者。責二十。革職。留通。追比一年。如年限內不完。發南追比。追完。還職免罪。不完。杖一百。革職。欠一分者。責三十。革職。留通。追比一年。如年限內不完。發南追比。追完。免罪。不完。杖一百。徒一年。欠二分者。責四十。革職。留通。追比一年。如年限內不完。發南追比。追完。免罪。不完。杖一百。徒三年。欠

三分者。責六十。革職。留通。追比一年。如年限內不完。發南追比。追完。免罪。不完。發附近衛所充軍。欠四分者。責八十。革職。留通。追比一年。如年限內不完。發南追比。追完。仍杖一百。不完。發邊遠充軍。欠五分者。責一百。革職。留通。追比一年。如年限內不完。發南追比。追完。仍徒一年。不完者。絞。欠六分以上者。斬。仍照例籍其家產妻子抵償。如不足。令原僉衙門各官代賠。至旗丁駕運一船。卽以一船糧米計算。如有掛欠不及一分者。責二十。革運。留通。追比一年。如年限內不

完。發南追比。追完。免罪。不完。杖一百。欠一分者。責三十。革運。留通。追比一年。如年限內不完。發南追比。追完。免罪。不完。杖一百。徒一年。欠二分者。責四十。革運。留通。追比一年。如年限內不完。發南追比。追完。免罪。不完。杖一百。徒三年。欠三分者。責六十。革運。留通。追比一年。如年限內不完。發南追比。追完。免罪。不完。發附近衛所充軍。欠四分者。責八十。革運。留通。追比一年。如年限內不完。發南追比。追完。仍杖一百。不完。發邊遠衛所充軍。欠五分者。責一百。革運。留通。追比一

年。如年限內不完。發南追比。追完。仍徒一年。不完者。絞。欠六分以上者。斬。仍照例籍其家產。妻子抵償。如不足。令原僉衛所糧道。監兌州縣。各官代賠。再失風漕船。如有虧欠。事出天災。仍照舊例。不作分數計算。至船糧起交足額之外。原有餘米。聽其回空之時。沿途糶賣。○四十五年。覆准。各丁每年抵通。多有掛欠。嗣後耗贈。漕截等項銀米。暫存糧道倉庫內。俟回空時。倉場查明行文到日。按其掛欠數目。扣抵。倘有不足。將行糧一並扣抵。如交納無欠。照數支給。將前項

大清會典 卷四十二
扣抵米石。附搭運通。銀兩買米搭運。○四十九年。議准。運官欠四分以下者。照例加一等議處。令其賠完。五分。擬立絞。六分。擬立斬。○又覆准。漕糧運通。甚屬緊要。今漕糧掛欠。由糧道監督押運等官。不親詣水次。眼同兌足。又糧船過淮。總漕不嚴行盤查。以致弁丁受兌之時。任意折銀。或沿途盜賣。嗣後將掛欠不及一分至六分之弁丁。照例分別治罪。其總漕。糧道等官。亦照例。按所欠米石分數議處。並將所欠漕糧。算作十分分賠。總漕半分。糧道一分。監兌官半分。總

押運官半分。運官一分半。僉丁衛所官半分。旗丁五分半。分賠。令其照例於限內賠完。如不完。交與該部議處。○又覆准。掛欠漕米。原無總漕糧道分賠之例。既令分賠。其米石全完者。亦應加倍議敘。定例內。山東。河南。湖廣。三省漕糧數少。經管糧道。十分全完者。紀錄一次。今改爲加一級。江南。浙江。江西。三省漕糧數多。經管糧道。十分全完者。加一級。今改爲加二級。至總漕。於康熙八年。停止議敘。今既令其分賠掛欠。各省漕糧十分全完者。仍將總漕照例加二級。○五

大清會典 卷四十二 戶部二十
十一年。覆准。押運同知。通判。抵通。如二次無欠者。加六級。三次無欠者。加三級。三次無欠者。不論俸滿卽陞。一次掛欠者。降一級留任。二次掛欠者。降二級留任。三次掛欠者。降三級調用。仍照例將所欠之米分賠。○五十四年。覆准。倉糧關係緊要。弁丁免其留通追比。自五十四年起。交糧掛欠旗丁。倉場拏交運官。卽行發南。照四十九年九卿議定之例計算。作爲十分分賠。總漕糧道各官。如限內不完。交與該部嚴加議處。弁丁分賠米石。限內不完。將弁丁照例治罪。承

追之官議處。仍將弁丁不能賠補米石。著落總漕糧道等官賠補。限次年附搭運通。如次年不行搭運。照例題叅。○雍正元年。

諭。漕糧自康熙三十八年。至五十年止。掛欠者。盡行寬免。五十年。至五十八年止。掛欠者。暫停併追。五十九。六十。六十一。三年掛欠者。如果幾年之內。能一齊賠還。朕亦施恩寬免。如仍延挨不肯竭力。將新舊一併嚴追。○又覆准。押運千總。如一運全完。加銜一次。二運全完。加銜二次。如能三運全完。毫無事故者。從優議敘卽陞。其江浙每年積欠

之幫。仍照舊例。二運全完。准其卽陞。至於運弁不職怠惰者。令該督據實查明咨叅。○又議准。漕糧兌完。有餘剩之米。顆粒不許出倉。本衛本丁有欠。准其抵欠。有情願賣與別幫抵欠者。亦准於本倉賣抵。如再有餘剩。令該監督報明倉場。加具印結咨部。差官將坐糧廳及各倉所得茶果銀兩。照數按丁唱名給發。每石稷米。給銀七錢。梭米。六錢。粟米。五錢。如監督積有盈餘。計功議敘。○二年。題准。五十九。六十。六十一。三年。掛欠旗丁。每年。每船。以所裝米石。作為十分計

算。欠一分者。限一年追完搭運。欠二分者。限二年追完搭運。欠三分者。限三年追完搭運。其掛欠三分以上者。再寬限二年完搭。倘限內延挨不竭力完搭。將該弁丁嚴拏。新舊併追。仍將弁丁從重治罪。糧道衛備指叅。聽部議處。

大清會典卷之四十二

大清會典卷之四十三

戶部

漕運四

雜禁

國初定。監兌漕糧未完。捏報兌完。漕船未開。捏報開行者。各降二級調用。○又定。收兌漕糧。攙和糠粃砂土。及私自改折漕糧者。該管官俱革職。監兌官降一級調用。其抵通交兌漕糧。有糠粃砂土者。押運官革職。糧道降一級調用。如無糠粃砂土。經收官抑勒不收者。降二級調用。○又定。河漕總督專管督率運糧。如各官不預行挑

大清會典 卷四十三
淺疏通。以致糧艘遲悞者。該督題叅議處。如回空船隻。該督不行力催。又不題叅各官者。降二級留任。○又定。官員不速催趲漕船。及無故容先後越幫者。各罰俸九個月。該管官漕船入境日期。不查明轉報者。罰俸六個月。○又定。官員解送舊斛。遲延及損失者。罰俸六個月。○又定。監兌官任蠹惡包攬。橫行水次。侵蝕漕糧者。降二級調用。或旗丁生事。不能禁止者。該管官降一級調用。○又定。運官領運赴北。運竣南旋。托故回籍者。照規避例革職。○又定。旗丁沿途盜

賣漕糧。押運官不能查出。降一級調用。○又定。押運官不候交完漕糧。未經掣批。私自回任者。罰俸一年。○又定。運船立纛監旗。吹樂張號者。管運官員。罰俸一年。○順治三年。覆准。漕糧無論官。儒。民。戶。一體督催。及時入駁候兌。不得堆貯私家。逼令官丁赴兌。違者治罪。○五年。覆准。運官赴次交兌。屢催始到者。革職。帶罪交糧。完日開復。○又議准。文武官不得擅受領運官丁詞訟。違者指叅。○七年。覆准。漕兌積弊四款。一科派常例。一濫差滋擾。一苛勒贈耗。一交兌留

難。通行勒石禁革。○十年。覆准。嚴禁盤放糧船

私債。許官旗自首。照私放官債例。加等治罪。○

又覆准。漕糧徵收。責在州縣。監兌。責在推官。康熙

六年。推官俱裁。責成同知。通判。查驗管押。責在糧道。其餘道府。

各官。不得借驗糧名色苛索。如違題叅。○又覆

准。漕米依限收完。卽給票歸農。官兌軍收。不許

點充倉頭。私派耗贈。勒碑永禁。仍取具州縣遵

依。○又覆准。漕糧盤剝。俱有額設銀兩。嚴禁私

拿貨船。○十二年。覆准。監兌官事竣。將有無需

索等弊。具結該督撫存驗。如運弁至通掛欠。果

有需索費用。事有指實者。許開報倉督。移文總

漕嚴鞫提追。○十三年。覆准。交兌漕糧。如有州

縣蠹役。包攬侵蝕。扳累百姓。將州縣官嚴叅重

處。其侵糧等役。立行監追。籍其家產。妻孥賠償。

仍治以重罪。○十四年。覆准。沿河督撫。鎮道等

官。遇有生事弁丁。照營兵鼓譟例。先從重處治。

一面題請發刑部究擬。刊榜曉示。○又覆准。防

汛官兵。如汛地內有漕船盜賣。事發一并治罪。

○十五年。覆准。官收官兌。軍民不許相見。有陽

奉陰違。查叅重處。運丁鼓譟。有司能捍禦者。上

大清會典 卷四十三
司據實題敘。巡察密訪各屬倉蠹巨蠹及各衙門常例。弁丁淋尖。踢斛。割單等弊。題叅重處。○又覆准。總漕及各撫。按衙門。不許旗丁子弟謀充書承。本官失察。一并叅處。○又覆准。運官領運漕船。全單開載定數。中途灑帶歸併。到通船少。冒支行。月。水脚。銀米。嚴追完日。仍從重處分。○又覆准。州縣拖欠。該管監兌。糧道等官。祇當嚴檄飛催。不得差役更番迭至。恣其勒索。違者。該督指叅。○又覆准。糧道等衙門。借名盤驗。多帶人役需索。該管官一并坐罪。○十六年。覆准。

積年幫蠹。專以放債爲生。勒寫行。月。錢糧。聽其支領。又借名使費。侵扣多端。并取官糧。准折。責成糧道。加意訪拿。以除漕害。○十七年。覆准。總漕各撫。按於兌糧時採訪。如有糧道取索州縣。州縣攤派糧里。胥役苛索運弁。科歛旗下等弊。

又此卽行叅究。○康熙元年。平糶。曹破。會蠹之平。

諭。糧船經由漕河。領運官丁。恪遵條約。依期抵通。方爲供職無罪。乃有等頑奸官役。不守成法。多有夾帶私販貨物。隱藏犯法人口。倚恃勢力。行兇害人。借名阻礙河道。毆打平人。托言搜尋失物。搶劫民船。且有盜

大清會典 卷四十三 戶部二十一 四
賣漕糧。故致船壞。貽累地方。種種奸惡。難以枚舉。藐
法病民。莫此爲甚。以後如有仍前作弊違禁。肆行無
忌者。督漕各官。並該地方官。一有見聞。卽行叅奏。務
將官丁嚴提。治以重罪。若知而徇情不奏。督漕各官
及地方官。亦從重治罪。○四年。覆准。漕船僉造之年。
如有衛所官。勒索軍民幫貼者。該督撫指名題
叅。○十一年。題准。領運官朘削運丁。或將應給
行月錢糧。及修艙等銀。侵扣不發。或勒索不遂。
酷打運丁者。俱革職究擬。○又題准。運官抗不
赴次。及赴次勒索淋尖。毆辱糧官。并不嚴飭運

丁。爭索斛面酒席。課辱糧官。及沿途生事。阻壓
行船。欺負官員。毆斃民命。及回空時。縱丁毆打
催趲官兵者。俱革職究擬。○又題准。運官停泊
漕船。不聽督催。陵辱閘官。責打閘夫。帶去閘板。
洩水悞漕者。革職究擬。不挨程速進。沿途脫幫
遲悞者。降二級。帶罪督催。若謊報水淺塘塞者。
罰俸六個月。○十四年。覆准。蘇松等府。於定例
加贈五米十銀外。永禁私派貼運名色。○十七
年。覆准。禁革小民納糧時。修倉鋪墊。及屯丁領
運行月。扣除陋規。違者叅究。督撫失察。徇庇。一

并治罪。○又覆准。沿途運丁。停泊生事等項。許徑報地方官。拿解糧道。或兵。巡守道。重處。將運官申報總漕。於過淮時懲治。○二十年。覆准。浙江運丁。私勒民兌。另立私截名色。嚴行禁止。○二十一年。覆准。運河淺澀。漕船定有程限。各處兵船。行至開河。務隨漕啓閉行泊。如有扭鎖掀板。任意爭鬪者。該督指叅。領兵官嚴加議處。○又議准。總漕不預行挑淺疏通。以致遲悞者。請旨議處。○二十六年。覆准。嗣後運丁不正身押運者。將承派運丁各衛守備。罰俸一年。押運通判。罰

俸六個月。領運守備。干總。徇私不行查出。各降一級留任。○四十二年。覆准。新漕過淮。總漕驗明放行。及抵通起交。輒有掛欠。皆沿途盜賣所致。嗣後重運北上。飭沿河文武各官稽察。不許私自擅賣。抵通交完。所餘米石。仍准其沿途賣買。○又

諭。漕船未經抵通之先。有沿途偷賣者。押運官即申報

總漕。若地方官察出。亦即申報該管上司題叅。○四十三年。議准。各省漕白二糧過淮。旗丁土棍勾串。貪利私賣。以致虧空。嗣後重運入境。令該管

大清會典 卷四十三
道。府。州。縣。往來巡察。如有盜賣一起者。州縣官。罰俸六個月。道府。各罰俸三個月。二起者。州縣官。罰俸一年。道府。罰俸六個月。三起者。州縣官。降一級留任。道府。各罰俸一年。四五起以上者。州縣官。各降一級調用。道府官。各降一級留任。若道府。州。縣。能察實拿獲。將賣糧買糧之人。均各枷號一個月。滿日。責三十板。糧米追交本船。米價入官充餉。運弁俟回南。總漕細打四十。○四十九年。覆准。漕糧在水次受兌上船之時。糧道。監兌官。務必眼同照數兌清。及上船抵淮時。

總漕親身嚴行盤查過淮。過淮後。沿河文武各官。嚴催出境。無致盜賣。如沿河文武各官。不嚴行速催出境。致有弁丁任意盜賣情弊。將該地方各官。交部嚴加議處。○六十一年。覆准。沿途地方文武各官。不力催趲糧船。協拿奸匪。以致旗丁水手生事擾害。將專管官。照溺職例議處。兼轄官。照失察例議處。該督撫容隱。不行查叅。照狗庇例議處。○又覆准。押運。領運。隨幫官弁。嚴押催趲。毋許丁舵水手生事。如有不遵約束。奸徒。會同地方催漕各官。協拿究治。倘平時不

大清會典 卷四十三
行約束。臨事又復容隱。該督撫指名題叅。○又覆准。嗣後頭舵水手。必須有室家之人。方准僱覓。仍取鄰佑甘結。并頭舵水手花名。年貌籍貫。清冊報名。該運官弁。轉報糧道。總漕存案。若水手十人以上。執持器械搶奪者。將爲首之犯。照強盜律治罪。爲從者。減一等。如十人以下。無器械者。照搶奪律議罪。出結之頭舵水手。容隱不首及狗庇者。照強盜窩主律。分別治罪。○又覆准。漕米到壩。因不堪起卸。賣易買補。不肖奸丁。乘機夾帶好米。私行盜賣。倉場坐糧廳。應不時

巡查。如在南。串通州縣倉役。將米石折算銀兩等弊。應令總漕密加察訪。卽將弁丁胥役。從重究處。該管官題叅。○雍正元年。議准。嗣後糧米不許顆粒上崖。以致奸丁盜賣。該地方官仍不時嚴加稽查。如遇過淺添夫。止許照常給錢。不許任意索米。倘敢擅動漕糧。事發之日。將該弁丁。并不法夫役。以盜賣盜買。從重治罪。該地方官。以失察偷盜題叅。○二年。覆准。每幫全糧入船。取具連環互結存查。如有折乾盜賣等弊。將本丁治罪。其餘九丁。一體責懲。所欠米石。卽著

落買補運通。○又

諭各省旗丁運糧進京。沿途行走。理應奉公守法。乃數年前浙江湖廣糧船。因懷挾私忿。彼此爭鬪。持戈放箭。殺傷者多。逞其兇頑。肆行無忌。又聞前歲冬。糧船守凍。在山東地方。竟行搶奪。擾害居民。去歲回空。又聞強取百姓衣物。此等皆大干法紀。嗣後總督若不嚴加約束。禁止妄行。仍然寬縱。直隸山東河南巡撫。卽著轉飭沿河官弁。不時稽察。倘犯法爲非。卽分輕重。按律治罪。不得稍有徇縱。推諉以長刁風。若有從前爭鬪傷人。及搶奪擾民之

事。該督撫卽行奏聞請旨。於彼地立行正法。決不寬貸。可預先曉諭各省運丁知之。○又議准。糧船篷桅器具等物。係動支錢糧成造。乃幫船到通。多私賣桅木。嗣後糧船開行之時。該督嚴飭官弁。約束各丁。無得私自變賣。並行倉場嚴禁通州木廠。不許串通運丁盜賣。如有仍前私行買賣等弊。卽將押運官弁題叅。交部嚴加議處。○又覆准。漕船到汛之日。催漕官弁。速行催趲。如有前船阻滯。各汛遞相催趲。倘前汛不行力催。有礙後船者。許申報倉場。查明不力緣由題叅。

如漕船到汛。不親身赴河。并坐視前船阻抵。不行申報者。一并查察。俱照催趲不力之例議處。

(Faint bleed-through text from the reverse side of the page, including characters like '如漕船到汛', '不親身赴河', '并坐視前船阻抵', '不行申報者', '一并查察', '俱照催趲不力之例議處').

白糧

白糧解運

京師所以供

上用。及頒給俸祿。其徵兌考成。槩同漕糧。其則例之不同者。詳列於後。

原額。正米。二十一萬七千四百七十二石五

斗八升七合二勺。

耗米。一萬一千二百二十石六斗二升六合

一勺。

內倉。

舊名內官監。順治十年。改名內倉。

白熟粳。白熟細粳。正

米。一萬二千八百二十五石。每石。加耗米五升。

供用庫。白熟粳。正米。八萬二千四百五十二石四升七合。每石。加耗米五升。

光祿寺。白熟粳。糯。正米。六萬六千九百八十八石二斗八升九合。

酒醋局。白熟糯。正米。一萬二千二百石。每石。加耗米五升。

王祿。上白粳。正米。九千二百八十三石二斗。每石。加耗米五升。糙白粳。正米。七百一十六

石八斗。每石。加耗米三升。

各衙門。糙白粳。正米。三萬二千八百九十石二斗五升一合二勺。每石。加耗米一斗。

犧牲所。糯稻。准糙。正米。一百二十五石。每石。加耗米一斗。

江南正米。一十五萬一千二百七十二石五斗八升七合二勺。

蘇州府。熟粳糯。正米。四萬五千二百三十三石二斗。糙白粳。正米。一萬五千三百一十九石七斗三升六合。松江府。熟粳糯。正米。三萬七千三百五十二石四升七合。糙白粳。正米。一萬三千一百二十七石七斗九升五合二勺。常州府。熟粳糯。正米。三萬三千二百五十五石二斗八升九合。熟細粳。正米。一千七百石。糙白

種。正米。五千二百八十四石五斗二升。以上除荒陞墾。按年增減。

耗米。七萬二千二百六十三石八升八合四

勺。熟白米。每石。加耗五斗。糙白米。每石。加耗四斗。交倉耗米。在內支辦。

春辦米。三萬六千三百五十石一斗六升八

勺。熟白。糙白。正。耗米。每石。俱加春辦米二斗。常州府。熟細正米。每石。加春辦米九斗四

升。

經費銀。二十三萬五千八百五十八兩三錢

六分三釐三毫。米。一萬八百九十一石六斗

二升六合二勺。

實運船二百九十三隻。每船。看糧船夫二名。量斛束包挑運夫二

名。

領運。候運。千總六員。

領運。每員。馬繖夫役四名。書辦一名。舊有牢役

三名。康熙七年。裁。

隨幫百總三員。

浙江正米。六萬六千二百石。嘉興府。白粳。糯。正米。四萬一千

三十四石六斗九升一合八勺。湖州府。白粳。糯。正米。二萬五千一百六十五石三斗八合

一。勺。浙江無除荒陞墾之例。

耗米。二萬九千七百九十石。正米。每石。原徵

升。康熙十一年。改徵白耗米四斗五升。交倉耗米。在內支辦。

經費銀。七萬六千六百九十一兩四錢四分

大清會典 卷四十一
四釐米。一萬二千二百五十九石八斗。

實運船一百二十六隻。無看糧量。斛等夫役。

領運候運千總四員。領運每員夫役。與江南同。

隨幫百總二員。

白糧交倉。每千石。收葦蓆一百領。小葦把一百個。以為鋪墊苫蓋之用。

順治二年。覆准。白糧民運。改為官解。○三年。題准。江南督押白糧。委府佐貳官為總部。州縣佐貳官為協部。各府限十月內。詳委總協部官。有司徵糧及腳價。限十一月內全完。僱船修艙。春

辦。包捆挑運。限十二月內上船。正月內開幫。尾漕北上。三月中旬過淮。七月初旬抵通交兌。如有遲悞。悉照漕例處分。○又題准。江南經費不敷。三府畫一照欵編徵。○六年。題准。江浙白糧。本年徵解十萬石。餘俱改折充餉。每石連耗米春辦夫船米。共折銀一兩五錢。○十年。議准。令各糧道都司禁飭漕船。不得欺陵白糧船。○十一年。

恩詔。白糧民解累民。官解仍以累民。今後以該省漕船分帶。以甦官民之累。應行事宜。該督撫速議具奏。遵

旨議定。浙江白糧。用漕船裝運。江南白糧。仍僱民船官運。○又題准。白糧考成。除糧道照漕糧例議外。總部官掛欠不及一分者。免議。欠一分者。降一級。欠二分者。降二級。欠三分以上者。革職。協部官。欠不及一分者。降一級。欠一分者。降二級。欠二分以上者。革職。立限追比。悉照漕例。○十二年。議准。改折白糧。因米價甚貴。每石折銀二兩解部。○又覆准。白糧照漕例。冬兌春行。如有違悞。按例議處。○十三年。題准。白糧經徽州縣官完欠分數。及叅後違限。俱照漕糧例處分。○十

五年。定。浙省白糧。仍僱民船運解。○十七年。定。運官掛欠白糧。坐糧廳追比無完。倉場題請發南。押赴總漕。嚴行追比。變產完納。限文到五個月內全完。隨新運解交。不許借端派累小民。如有過限不完。及暗派累民情弊者。俱立行題叅重處。○康熙二年。題准。白糧除光祿寺改折三萬石。每石折銀一兩五錢。解該寺外。餘米俱徵本邑起運。○三年。題准。白糧改折銀兩。限文到六個月全完。如有不完。巡撫布政使。糧道。并府州縣官。俱照地丁錢糧考成例議處。再限六個

月催完。如又不完。大小各官。俱照地丁錢糧年限例議處。○又定。浙江白糧。仍選漕船裝運。額編經費。不敷支給。量行加徵。按實運船數派給。永著爲例。○六年。題准。白糧不便總歸漕糧考成。催徵各官。另作十分考成。其押運官。一運全完。紀錄一次。二運全完。紀錄二次。三運全完。加一級。凡交兌過淮。抵通。俱照漕糧定例。○又題准。浙江白糧。向係文官押運。今改武官專管運解。其議敘處分。照江南協部例。至通判押運漕糧。帶管白糧之官。仍於漕糧內考成。○八年。覆

准。白糧船隻臨境。漕督。河督。倉塲。並沿河督撫。嚴檄文武各官。卽撥兵防護。立行押送出境。如有奸丁逗留作弊。卽行拏究。○十一年。題准。嘉湖二府正項白糧。一石之外。各給白耗米四斗五升。減徵一斗。以抵春折之數。○十四年。覆准。江南白糧。照浙省例。抽選漕船裝運。五年一次更換。每船給行月糧米六十九石三斗。銀五十兩一錢一釐。今江。浙。畫一。減去銀一百二十六兩二錢四分零。米二十八石。每府另設千總二

大清會典 卷四十三
員更替領運。責令各州縣春辦完備。交與弁丁裝運。出具通關實收。每幫設隨幫百總一員。押趲回空。原編運夫銀。仍留供用。其月糧內扣貼灑帶。每石負重銀五分。○又定。將浙江白糧船神福柴薪等費。暫停支給。○又題准。江南白糧實徵正米五百石爲一船。每船扣由閘銀四十兩。由閘一項。乃白糧抵通。自石壩等五閘。以至大通橋。運進京倉。各行人役應得之腳價。解交通濟庫。照例支給。餘剩解部。○又題准。江南舊例。每船有量斛束包等夫二名。每名額編工食銀七兩二錢。照數支給。○十五年。議定。蘇

松常三府白糧。改設千總領運。以全單爲憑。船糧抵通之日。將全單送部查驗。交糧完日掣回。不必起批。○又題准。白糧如改進通倉。減經費銀二十二兩八錢六分。如遇河兌。裁經費銀四十二兩八錢六分。○又題准。白糧全徵折色充餉。每石折價一兩五錢。○十七年。題准。白糧改折經費銀兩。仍與白糧一例考成。○十八年。題准。仍徵本色。○二十年。奉

恩詔改折白糧。○二十一年。定。浙省由閘銀。每石給七分四釐九毫零。○二十二年。覆准。江浙白糧全

徵本色起運。○又覆准。浙省缺船。將免徵經費銀。暫徵一半。購買民船。充入漕幫抽運。所給經費銀米。按實運船數派給。○二十三年。定。白糧自本地用包。包裹運通。恐開包斛量。米石拋撒。顏色變更。故用秤稱。坐糧廳所定觔數。正耗米共一百六十觔爲一石。若米色不淨。以一百七十觔爲一石。以備加倍晒颺之用。俱係旗丁親押赴倉。短少。旗丁賠補。有餘。發還旗丁。○二十六年。覆准。浙省白糧經費銀。照原定例全給。○二十七年。覆准。江南白糧行月。銀米。停其支給。

○三十二年。覆准。舊例。欠糧旗丁。止議革運。嗣後掛欠白糧旗丁。除革運外。仍照監守自盜律。嚴加治罪。交糧無欠者。卽爲殷丁。俟上年選用丁船運回之日。核驗完足。五年一調。常隸千總統轄。以重責成。○三十五年。覆准。蘇。松。等府三十四年分漕糧。補徵三分之一起運。而白糧乃係全運。向例。白糧在現運船內抽裝。今現運一分。船數甚少。不能抽調運白。照舊例。在通漕船內。酌撥起運。○四十二年。題准。將興武等十一幫無欠丁船。五年一調。抽選裝運白糧。○四十

大清會典 卷四十三
三年。覆准。運漕運白。均屬一體。將江浙白糧經費銀兩。通行裁去。照漕糧一例。支給行。贈銀兩。○四十四年。議准。江浙二省起運白糧船隻。照依漕糧。支給行。月。贈貼銀兩。令運白糧。五年滿後。始行更換。至白糧俱係本處包束運送。並無折耗。行令倉場侍郎。俟白糧抵通之日。照漕例。交收。其減省經費米石折銀。同減省銀兩。一并解部。○四十九年。覆准。浙省白糧。旗丁往來回空飯米。九十七石三斗。係民間情願津貼。並非額編正項。不必裁革。○五十六年。覆准。浙江白

糧。除行。月。之外。每石給漕截銀。三錢四分七釐。米。七升二合。江南除行。月。之外。每石止給贈銀一錢四分五釐。准其照浙江漕截之例。每石補給二錢二釐。於五十五年爲始。在道庫減存銀內支給。○五十七年。覆准。起運白糧。每石人夫食米七升二合。浙省現係支給。蘇松常三府。均有額編。多在民欠。應於原編七升二合。民欠未完米內。速行徵給濟運。○雍正五年。覆准。白糧運費。多於漕糧。令該督於通漕船內。抽選堅固船隻。歷年無欠。殷丁。掣運白糧。於雍正五年爲

始。五年一次更替。令其少有贏餘。如有掛欠。卽
細打革換。以示勸懲。

漕糧起剝

額設土壩剝船一百五隻。裏河剝船二十五
隻。石壩外河剝船二百八十隻。裏河剝船三
百三十隻。土壩車戶。定額口袋四萬條。石壩
經紀。口袋三十四萬條。脚價。每百石。自桃家
淺至張家灣。給銀二兩二錢。楊村至灣。一兩
九錢。蔡村至灣。一兩六錢。蒙村至灣。一兩五
錢二分五釐。河西務紅廟車營至灣。一兩三
錢。王家樓至灣。一兩。河西務紅廟車營抵壩。
二兩二錢。王家樓抵壩。一兩九錢。蕭家林抵

壩。一兩七錢。灑家馬頭抵壩。一兩四錢。李二司抵壩。六錢五分。下八莊抵壩。五錢五分。郝家務抵壩。四錢五分。中心樓抵壩。二錢五分。大通橋至朝陽門剝船。二十八隻。朝陽門至東直門剝船。十四隻。脚價。照土石二壩例。

舊有天津鈔關紅剝船六百隻。漕船至楊村以北。遇有淺阻。該關查發剝船。動支稅銀。每隻墊給小封銀八錢。運畢。坐糧廳於通庫水脚銀內。照數解還補稅。俱照抵通實數。其失風。火燎。截留停運之船。俱不准給。康熙三十九年。裁天津剝船。僱民船剝運。

漕糧抵石壩。經紀負米。每石。給銀一釐。土壩車戶。自壩起運。至通州三倉八門。每石。給脚

價銀二分九釐。落崖銀一釐。石壩經紀。自壩起運。至大通橋。每石。給脚價銀二分四釐。六閘。每閘負米。每石。給銀三釐。大通橋車戶。運至各倉。每石。給脚價銀四分七釐。京通各倉

收受漕糧。僱夫負米入廩包圍。名曰僱長。每石給銀八釐。進倉負米歸囤。名曰小脚。每石給銀四釐。鋪廩。打捲。抱籌。擡斛。京倉。名曰花戶。曰舖軍。通倉。名曰甲斗。每石。給銀七毫。

布袋。每年石壩經紀。先製四萬。土壩車戶。先製二萬。照時給價。扣各役本年脚價還庫。

大清會典 卷四十三
順治九年。題准。石土二壩船袋。缺額不敷。補造外河剝船。每隻給排造銀八十五兩六錢二分八釐零。裏河剝船。每船給排造銀七十八兩一錢三分。照例於腳價內。十年勻扣。二壩口袋。令坐糧廳勒限追比。經紀添製接運。其務關剝船。舊例。每船一隻。給地十頃。免其正供。以備修造。今地園船缺。酌派應僉州縣撥給。○又定。剝船排造艱難。外河選買民船應用。○又覆准。漕船至楊村地方。遇有淺阻。務關例發河剝接濟。及過務關抵紅廟地方。遇有淺阻。坐糧廳例發條

剝接濟。舊制。一母二剝。共船三隻抵通。今關剝定有額數。按地僉充。務令照額補足。以備接運。○十年。議准。到通漕糧。在河次兌放俸餉米石。旣無盤閘灑颺之費。將正兌米。原備每石耗米二斗五升。改兌米。原備每石耗米一斗七升。照數交納。○十二年。題准。河兌腳價。俱係運官自備。其附餘耗米。收四升四合入官。餘給運軍。○又題准。修補紅船。向係務關監督之責。定額六百隻。坐派通州。武清。寶坻。灤。永清。東安。香河。等州縣。武清衛。協力修船。今責成霸。通。二道。嚴督

州縣衛秉公僉派。抗違者。督撫指名叅處。○又題准。官剝每遇起運。勒索運丁。私貼水脚飯米。至糧米過船時。淋尖。踢斛。攙砂。使水。暗通。船隙。盜米。不一而足。及其交卸。賄通伍長。硬起過壩。虛折之米。貽累疲丁。甚至盜米多者。將船鑿漏。潛逃。又有私剝小船。多借莊頭名色。勒索脚價。飯米等弊。該地方道廳。關司。嚴行禁飭。凡遇起剝。必照漕運則例。毋許額外需索。○十三年。題准。石壩裏河。補造剝船。每隻。給料價銀二百九十八兩三錢九分六釐。照例於脚價內。十年勻

扣。○十七年。題准。石土二壩船戶。買補民船。每隻。估價一百四十兩。於脚價內。八年勻扣。舊例。每船裝米一百石。今定。裝一百五十石。○康熙六年。定。排造剝船銀。限六年內扣還。其新船行運三年後。每年每船。給修脩銀十兩。仍於本年脚價銀內扣完。○八年。定。外河買補之船。八年限滿。價銀扣完。准其買補。其新船行運三年。照例給修脩銀。於脚價內扣還。○二十四年。議准。天津紅剝船。既經按船給地。其水脚銀兩裁去。○二十五年。覆准。紅剝船戶。剝運潮濕短少米

大清會典 卷四十三 戶部二十一
石。限令正身賠補。僱覓人治罪。如違限不完。正身治罪。立限將家產變價賠完。如限內再不完。該州縣官議處。若有攬石灰藥水者。運官旗丁。呈報查實。僱覓人。發寧古塔等處。與新披甲爲奴。米石亦限正身賠完。如剝運好米。官丁勒措不收者。運官旗丁。從重治罪。○二十六年。覆准。紅剝船隻。向係天津關監督。嗣後改令通惠河分司管理。○三十一年。覆准。五閘剝船二十五隻。康熙二十年。起造。十年限滿。每隻給排造銀二百九十八兩三錢。乘時辦料鳩工。其給過銀

兩。仍於各役腳價內。勻扣還官。○三十五年。覆准。江西糧艘重大。許隨帶裝載一百石之小剝船一隻。其過百石之船。不准隨帶。○三十七年。覆准。漕糧關係重大。應速令糧艘回空。於大通橋至朝陽門。設立裝運二百石之船二十八隻。朝陽門至東直門。設立裝運二百石之船十四隻。其腳價俱照土石二壩例。於通濟庫支給。在車戶腳價內。八年勻扣。朝陽門至東直門。蓋設蓆棚柵欄。修築墻垣。存貯米石。其民人貿易小船。亦設立四十二隻。仍不得阻碍糧船。若糧運

大清會典 卷四十三
三
緊急之時。暫行禁止。交與通惠河分司管理。○
三十九年。議准。每歲糧船轉衛。設紅剝船剝卸。
今船隻俱已破壞。不堪運糧。裁革變價。辦船地
畝六千頃。交各該縣徵收錢糧解部。每歲均分
散給出運丁船。以爲剝淺僱募之需。其旗丁有
情願自備者。照江西例。准其自備裝載一百石
小剝船一隻。○又覆准。裁石土二壩船戶。歸併
經紀車戶。其未扣剝船銀兩。於經紀車戶腳價
內勻扣。又減每石負米價二釐。其節省銀兩。抵
補通州城工動用之項。抵完之日。照正項錢糧

解部。○四十五年。議准。設立本裕倉。自通州土
壩水運至順成閘。復用車輛運進倉內。每石共
給腳價銀一錢五分四釐。○四十七年。覆准。沙
子營車戶運本裕倉糧米。自通州土壩水運至
順成閘。共造剝船三十四隻。用料價銀六千三
百四十六兩四錢四分。分作八年。將腳價勻扣
還庫。○五十三年。覆准。沙子營一帶河道淤淺。
不增腳價。由土壩起車。陸運進倉。○五十九年。
覆准。坐糧廳將庫銀不行詳報題明。擅行借給
經紀車戶者。題叅交部議處。○六十一年。覆准。

大清會典 卷四十三
今歲米石。在桃花口等處起卸。交與坐糧廳。將向來支放起剝銀動用。僱覓船隻。交與弁丁作速運通。用剩銀兩。再行勻給到通丁船。○雍正元年。題准。將米石從船起卸。交與經紀。至大通橋。交與車戶。運進各倉。令監督查兌。如有短少。照各交米石。著令賠還。其腳價一分九釐。免其節省。○二年。覆准。新建萬安倉。在東直門外。較太平倉稍遠。將運價比照祿米等七倉腳價四分九毫。核減一分五釐。給二分五釐九毫。○又覆准。紅剝船既裁之後。卽僱民船剝運。除山東

粟米船。不納船料外。其各省漕船起剝。俱於河西務交納船料。嗣後此項銀兩。令通永道於通州交納。馬頭。燒酒巷。二處。不必驗票。○又覆准。經紀運米到橋。車戶運米到倉。舊例。每米五十石。抽掣一袋。一袋短少。餘袋照數均賠。康熙六十一年。雍正元年。掣欠米石甚多。若照定例。種梭每石。折銀一兩四錢。粟米每石。折銀一兩二錢。不特各役腳價。不敷扣抵。而經紀車戶之欠。終難完結。照議定米不出倉之例。種米每石七錢。梭米每石六錢。粟米每石五錢。折算。除石壩

大清會典 卷四十三
經紀。土壩車戶。掣欠。在未領爛米銀兩內。折抵外。其大通橋車戶掣欠。卽於各役腳價內。三年勻扣還項。但恐此例一定。不肖各役。藉此多欠。亦未可定。嗣後經紀車戶掣欠。酌定數目。不許多欠。經紀。係船運。每運米十萬石。定掣欠二百石。車戶。係陸運。每運米十萬石。定掣欠二百五十石。通倉車戶。係水陸並運。每運米十萬石。定掣欠二百石。俱於各役腳價內。准其扣抵。此外若有多欠。除不准扣抵外。仍將各役照依盜賣漕糧例。嚴加治罪。仍交與地方官。著落家產變

賠。○三年。覆准。沙子營一帶河道。淤淺甚多。其本裕倉漕糧。改由陸路運送。其腳價仍照水運。給銀一錢五分四釐。○又

諭。今年雨水大。糧船不無遲滯。須要速於起卸。方可不悞回空。著賞給口袋二萬條。以助轉運。不必動正項錢糧。亦不必入奏銷冊。所用布疋。向戶部咨取。縫紉工值。於內庫咨取。

項。鑄工。並。內。軍。容。項。

五。原。趁。蘇。亦。不。必。入。奏。餘。冊。用。亦。不。可。時。容。

不。將。回。空。著。賞。餘。口。袋。二。萬。餘。以。便。轉。運。不。必。備。

備。今。半。兩。水。大。蘇。銀。不。換。錢。數。要。數。然。亦。時。亦。可。

餘。銀。一。錢。五。分。四。釐。○。又。

本。部。會。同。鑄。局。由。空。額。數。其。湖。買。以。照。水。銀。

額。○。三。年。買。計。也。子。營。一。帶。回。數。然。對。甚。多。其。

白糧起剝

額設石壩白糧經紀裏河剝船二十五隻。十

年一造。每隻給排造銀二百九十八兩三錢

八分六釐。定限六年內。將本役腳價內。勻扣

完官。

白糧抵石壩。經紀負米。每石。給銀一釐。石壩

裏河白糧水脚負米通壩。每石。給銀三釐五

毫。石壩白糧經紀。自壩起運至大通橋。每石。

給腳價銀一分八釐。大通橋。慶豐。平下。平上。

普濟。五開。白糧水脚負米過開。每開。每石。給

銀二釐一毫零。大通橋白糧車戶運進京倉。

每石給價銀四分。如改進通倉。每石止給外

過壩銀三釐五毫。自壩起運至倉銀一分。餘銀解部。如遇河兌。即按石扣銀解部。

康熙十四年定。白糧運價。舊例。每石。槩給銀七

分五釐九毫零。今減去一釐九毫零。○十五年。

題准。白糧改進通倉。每船減經費銀二十二兩

八錢六分。如遇河兌。每船減銀四十二兩八錢

六分。○二十一年定。白糧運價。每石。增給銀九

毫零。

大清會典卷之四十三



